

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-02-121/22**
Mostar, 15.06.2022. godine

IZVOD IZ ZAPISNIKA
sa trinaeste (XIII) vanredne sjednice Skupštine
Hercegovačko-neretvanskog kantona

Sjednica je održana dana 15.06.2022. godine u sali Centra za kulturu u Mostaru sa početkom rada u 13:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Slavko Bilić, Marija Bošković, Stana Burić, Damir Džeba, Elvedin Grcić, Dejan Kvesić, Julineta Jurić, Tomislav Martinović, Ivan Odak, Andrea Pehar, Milica Pehar, Amir Šelo, Šerif Špago, Minela Krpo, Iva Raguž, Vesna Saradžić, Selma Drljević, Đuro Prkačin, Slaven Raguž, Irma Memidžan, Vera Konjevod, Ismet Lulić, Mejrima Hasić, Nermin Vrtić i Alisa Hajdarović.

Odsutni: Zora Dujmović, Aner Žuljević, Ajdin Teletović i Edis Džino.

Konstatovano je da je na sjednici prisutno **26** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnog reda.

U raspravi su učestvovali: Ismet Lulić, Alisa Hajdarović i Stana Burić.

Ispred Kluba SDP zastupnik Ismet Lulić dao je prijedlog da se prve dvije tačke dnevnog reda, Prijedlog Zakona o izmjenama i dopunama Zakona o unutrašnjim poslovima HNK-a i Prijedlog Zakona o izmjenama i dopunama Zakona o policijskim službenicima HNK-a, skinu sa dnevnog reda sjednice Skupštine.

Zastupnica Alisa Hajdarović predložila je slijedeći Prijedlog zaključka:

„Oštro se osuđuje vandalski čin uništavanja nacionalnog spomen obilježja na Partizanskom groblju u Mostaru, koji predstavlja jedinstveno memorijalno područje u BiH i koje je Komisija za očuvanje nacionalnih spomenika proglasila nacionalnim kompleksom.

U zaključku se predlaže da se zahtijeva poduzimanje svih mjera koje će identifikovati počiniocima, pokrenuti tužbe i sankcionisanje istih za navedene aktivnosti.“

Zastupnica Stana Burić predložila je slijedeći Prijedlog zaključka:

„Zaključak se odnosi na parove koji trebaju dobiti dijete biološki potpomognutom oplodnjom. Ti ljudi se puno istroše kad dođu do tog cilja i onda kad dođu do tog cilja opet se troše na lijekove koji nisu na našoj listi lijekova te predlažem da se postojeća pozitivna lista lijekova u HNK-a dopuni sa sljedeća tri lijeka koja su neophodna trudnicama za održavanje trudnoće, a posebno trudnicama koje održavaju biomedicinski potpomognutu trudnoću, to je Utrogestan, Clexane i Estrofem. Ove lijekove trudnice sa biomedicinski potpomognutom

oplođnjom troše u većim količinama, što dodatno opterećuje njihove finansijske mogućnosti, a u sve vrijeme im je potreban i psihološki mir i zdravstvena sigurnost.“

Usljedi je **pauza** od 5 minuta.

Predsjedavajući Skupštine HNK Šerif Špago izvijestio je zastupnike da nakon konsultacija Kolegija Skupštine HNK sa predlagračima za dopunu dnevnog reda, u dnevni red trinaeste (13) vanredne sjednice Skupštine HNK kao dopuna dnevnog reda ide samo Prijedlog Odluke o imenovanju Nezavisnog odbora za izbor i reviziju HNK.

Obavljeno je glasanje o Prijedlogu Kluba SDP da se tačka 1. Prijedlog Zakona o izmjenama i dopunama Zakona o unutrašnjim poslovima HNK-a (skraćeni postupak) i tačka 2. Prijedlog Zakona o izmjenama i dopunama Zakona o policijskim službenicima HNK-a (skraćeni postupak) skinu sa dnevnog reda sjednice Skupštine.

Većinom glasova „Protiv“ i 4 glasa „Za“ konstatovano je da Prijedlog Kluba SDP nije dobio potrebnu većinu.

Obavljeno je glasanje da se tačka 1. Prijedlog Zakona o izmjenama i dopunama Zakona o unutrašnjim poslovima HNK-a i tačka 2. Prijedlog Zakona o izmjenama i dopunama Zakona o policijskim službenicima HNK-a donesu i razmatraju po skraćenom postupku.

Većinom glasova „Za“ i 4 glasa „Protiv“ konstatovano je da se navedeni Zakoni donesu i razmatraju po skraćenom postupku.

Obavljeno je glasanje o Prijedlogu dnevnog reda (13) trinaeste vanredne sjednice Skupštine HNK.

Većinom glasova „Za“ i 4 glasa „Protiv“, konstatovano je da je dnevni red (XIII) vanredne sjednice Skupštine HNK usvojen.

Usvojeni Dnevni red:

- 1. Prijedlog Zakona o izmjenama i dopunama Zakona o unutrašnjim poslovima HNK-a (skraćeni postupak);**
- 2. Prijedlog Zakona o izmjenama i dopunama Zakona o policijskim službenicima HNK-a (skraćeni postupak);**
- 3. Prijedlog Odluke o imenovanju Nezavisnog odbora za izbor i reviziju HNK-a;**
- 4. Prijedlog Odluke o davanju saglasnosti na Odluku o pokretanju postupka za dodatno zaduženje po Sporazumu o zajmu između Saudijskog fonda za razvoj i Bosne i Hercegovine za projekat izgradnje i obnove određenog broja bolnica u BiH;**
- 5. Prijedlog Odluke o izmjenama Odluke o osnivanju lovišta u HNK-a;**
- 6. Informacija o stanju u oblasti šumarstva na području HNK-a, Ministarstva poljoprivrede, vodoprivrede i šumarstva HNK-a.**

Ispred Kluba SDP zastupnica Vesna Saradžić iznjela je stav kako Klub SDP neće učestvovati u nastavku rada sjednice Skupštine jer nije usvojen Prijedlog Kluba SDP da se tačka 1. Prijedlog Zakona o izmjenama i dopunama Zakona o unutrašnjim poslovima HNK-a (skraćeni postupak) i tačka 2. Prijedlog Zakona o izmjenama i dopunama Zakona o policijskim službenicima HNK-a (skraćeni postupak) skinu sa dnevnog reda sjednice Skupštine.

Nezavisna zastupnica Selma Drljević Sefić također je istog stava kao i Klub SDP te je se izjasnila da neće učestvovati u nastavku rada sjednice Skupštine.

Predsjedavajući Skupštine HNK Šerif Špago je u ime Skupštine HNK-a oštro osudio vandalski čin uništavanja nacionalnog spomen groblja, Partizanskog groblja u Mostaru.

AD 1. Prijedlog Zakona o izmjenama i dopunama Zakona o unutrašnjim poslovima HNK-a (skraćeni postupak)

Obrazloženje je dao Slađan Bevanda, ministar unutrašnjih poslova u Vladi HNK.

Ispred Komisije za zakonodavno-pravna pitanja obrazloženje je dao Tomislav Martinović:

1. Postoji ustavni osnov za donošenje Prijedloga Zakona o izmjenama i dopunama Zakona o unutrašnjim poslovima Hercegovačko-neretvanskog kantona (utvrđen po skraćenom postupku).
2. Komisija za zakonodavno-pravna pitanja nema primjedbi na predloženi tekst Zakona te predlaže Skupštini da se raspravlja i razmatra po skraćenoj proceduri.

Otvorena je rasprava.

U raspravi su učestvovali: Alisa Hajdarović, ministar Slađan Bevanda, Irma Memidžan, Stana Burić i Amir Šelo.

Obavljeno je glasanje o Prijedlogu Zakona o izmjenama i dopunama Zakona o unutrašnjim poslovima HNK-a utvrđen po skraćenom postupku.

Većinom glasova „Za“ i 1 glas „Protiv“ usvojen je Prijedlog Zakona o izmjenama i dopunama Zakona o unutrašnjim poslovima HNK-a (skraćeni postupak).

AD 2. Prijedlog Zakona o izmjenama i dopunama Zakona o policijskim službenicima HNK-a (skraćeni postupak)

Obrazloženje je dao Slađan Bevanda, ministar unutrašnjih poslova u Vladi HNK i naveo da je Vlada HNK nakon održane sjednice usvojila jednu izmjenu i dopunu člana 3. ovog Zakona koji glasi: Iza člana 128. dodaje se novi član 128a. koji glasi:

- (1) Postupak i uslovi za vanrednu dodjelu činova detaljno će biti regulisani podzakonskim aktom iz člana 69. stav 5. ovog Zakona.
- (2) Vanredna dodjela činova izvršit će se u roku od devet (9) mjeseci od dana donošenja podzakonskog akta iz stava 1. ovog člana.

Ispred Komisije za zakonodavno-pravna pitanja obrazloženje je dao Tomislav Martinović:

1. Postoji ustavni osnov za donošenje Prijedloga Zakona o izmjenama i dopunama Zakona o policijskim službenicima Hercegovačko-neretvanskog kantona (utvrđen po skraćenom postupku).
2. Komisija za zakonodavno-pravna pitanja nema primjedbi na predloženi tekst Zakona te predlaže Skupštini da se raspravlja i razmatra po skraćenoj proceduri.

Otvorena je rasprava.

U raspravi su učestvovali: Đuro Prčakin, ministar Bevanda i Šerif Špago.

Obavljeno je glasanje o Prijedlogu Zakona o izmjenama i dopunama Zakona o policijskim službenicima HNK sa amandmanom kojeg je ministar Bevanda pročitao a odnosi se na izmjenu i dopunu člana 3. ovog Zakona.

Većinom glasova „Za“ i 1 glasom „Protiv“, usvojen je Prijedlog Zakona o izmjenama i dopunama Zakona o policijskim službenicima HNK-a.

AD 3. Prijedlog Odluke o imenovanju Nezavisnog odbora za izbor i reviziju HNK-a

Obrazloženje je dala Julineta Jurić, predsjednica Komisije za izbor i imenovanje:

Izvještaj o radu o provedenom konkursu za članove Nezavisnog odbora za izbor i reviziju, komisija za izbor i imenovanje je na sjednici održanoj 20.04.2021. godine donijelo odluku o poništavanju javnog konkursa za imenovanje članova Nezavisnog odbora za izbor i reviziju objavljenog 12.01.2017. godine i raspisivanje novog javnog konkursa za imenovanje članova Nezavisnog odbora za izbor i reviziju.

Javni konkurs je dana 14.05.2021. godine objavljen u Službenim novinama F BiH, broj 38/21, kao i u dnevnim listovima Dnevni avaz i Večernji list. Nakon isteka roka prijave za članove Nezavisnog odbora za izbor i reviziju dokumentaciju je dostavilo 39 kandidata. Na 4. sjednici komisije za izbor i imenovanje održanoj 09.06.2021. godine konstatovan je broj pristiglih prijava po javnom konkursu i donesen je zaključak kojim se regulira postupak odabira kandidata za članove Nezavisnog odbora za izbor i reviziju.

U nastavku 4. sjednice komisije za izbor i imenovanje održane 24.06.2021. godine komisija je nakon pregleda pristiglih prijava utvrdilo kako 6 kandidata nije dostavilo potpunu dokumentaciju. Na istoj sjednici je utvrđena lista od 20 pitanja za provođenje intervjua sa kandidatima iz Zakona o policijskim službenicima HNK i zakonima o unutrašnjim poslovima HNK. Komisija je zakazala intervju za 10.08.2021. godine i 11.08.2021. godine, te je kandidate sa potpunom dokumentacijom pismeno putem pošte pozvalo i na intervju u tačno određenom terminu.

Na dan 10.08.2021. godine i 11.08.2021. godine, 30 minuta prije početka intervjua komisija je utvrdila 5 pitanja sa utvrđene šire liste pitanja koja će na taj dan biti postavljena svim kandidatima. 10.08.2021. godine obavljen je intervju sa 17 kandidata, dok je 11.08.2021. godine na isti način obavljen intervju sa 15 kandidata, a 1 kandidat nije pristupio intervju u zakazanom terminu.

Nakon izvršenog bodovanja od strane članova komisije za izbor i imenovanje komisija je utvrdila listu najuspješnijih kandidata, i to: Ćorić Mladen, diplomirani pravnik, predstavnik iz reda civilnog društva, Crnomerović Sinan, diplomirani pravnik, predstavnik Ministarstva unutrašnjih poslova HNK-a, Brkić Dragan, diplomirani pravnik, predstavnik iz reda civilnog društva, Talović Suada, diplomirani pravnik, predstavnik iz reda civilnog društva, Karanović Goran, doktor pravnih znanosti, predstavnik iz reda civilnog društva, Ramić Nedžad, diplomirani pravnik, predstavnik iz reda civilnog društva i Jelonjić Dragan, diplomirani kriminalist, predstavnik Ministarstva unutrašnjih poslova HNK-a.

Predloženo je Skupštini HNK-a donošenje Odluke o imenovanju Nezavisnog odbora za izbor i reviziju u sljedećem sastavu:

- 1.Ćorić Mladen,
- 2.Crnomerović Sinan,
- 3.Brkić Dragan,
- 4.Talović Suada,
- 5.Karanović Goran,
- 6.Ramić Nedžad,
- 7.Jelonjić Dragan.

Otvorena je rasprava

U raspravi nije nitko učestvovao.

Obavljeno je glasanje o Prijedlogu Odluke o imenovanju Nezavisnog odbora za izbor i reviziju HNK-a.

Većinom glasova „Za“ i 1 „Suzdržan“ glas, usvojen je Prijedlog Odluke o imenovanju Nezavisnog odbora za izbor i reviziju HNK-a.

AD 4. Prijedlog odluke o davanju saglasnosti na Odluku o pokretanju postupka za dodatno zaduženje po Sporazumu o zajmu između Saudijskog fonda za razvoj i Bosne i Hercegovine za projekat izgradnje i obnove određenog broja bolnica u BiH

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu odluke o davanju saglasnosti na Odluku o pokretanju postupka za dodatno zaduženje po Sporazumu o zajmu između Saudijskog fonda za razvoj i Bosne i Hercegovine za projekat izgradnje i obnove određenog broja bolnica u BiH.

Nakon glasanja konstatovano je da je navedeni Prijedlog odluke jednoglasno usvojen.

Uslijedila je **pauza** od 15 minuta.

AD 5. Prijedlog Odluke o izmjenama Odluke o osnivanju lovišta u HNK-a

Obrazloženje je dao Donko Jović, ministar poljoprivrede, šumarstva i vodoprivrede u Vladi HNK.

Otvorena je rasprava.

U raspravi su učestvovali: Šerif Špago, Elvedin Grcić, ministar Donko Jović, Slavko Bilić, Ivan Odak, Marija Bešker i Amir Šelo.

Ispred **Kluba Bošnjaka**, Šerif Špago uložio je slijedeće **amandmane**:

AMANDMAN I

U Prijedlogu Odluke o izmjenama i dopunama Odluke o osnivanju lovišta u Hercegovačko-neretvanskom kantonu tačka I u 4. redu riječi, „Površina lovišta: 47.737,0 ha“ mijenja se i glasi „Površina lovišta: 32.182,0 ha“.

U 8. redu iza riječi, „administrativne granice općine Prozor-Rama“ briše se tačka „. “ i dodaju riječi „izuzimajući prostor lovišta Gorača.“.

AMANDMAN II

Tačka II mijenja se i glasi:

„6. Naziv lovišta „GORAČA“

Površina lovišta: 15555,0 ha.

Tip lovišta: brdsko-planinsko

Namjena lovišta: privredno – sportsko lovište

Opis granica lovišta:

Granice lovišta „Gorača“ obuhvataju prostor u istočnom dijelu općine Prozor – Rama i to naseljena mjesta: Ščiće, Kute, Here, Ljubunci, Duge, Krančići, Tošćanica, Lizoperci, Grevići, Klek i Heldovi, i to granicama: Bokševica – kota 1315, iznad Grevića – kota 792, Popova glava – kota 1143, r. Volujak, Studenska planina – kota 1323, Tetrebina – kota 1606, Oštra kosa – kota 1582, Divan – kota 1572, Zeleni vrh – kota 1585, Gorača – kota 1601, Košare – kota 958, Mejnik – kota 1301, Ljubunci, Ljubunačka rijeka, Betine, Glava – kota 722, Krstišća ispod

Hera, Gumance, Lisina – kota 1212, r. Volujak, Glibe – kota 796, Donja Vast, Krančičko polje, Duge, magistralni put Prozor – Rama – Jablanica, Tošćanica.

Osnovne vrste divljači: srna, divlja svinja, zec, vuk, lisica, mrki medvjed, kuna zlatica, kuna bjelica, jazavac, jarebica kamenjarka, jarebica ljestarka, šljuka i divlja patka.

Ostale vrste divljači: divlja mačka, tvor, velika lasica, mala lasica, veliki puh, kobac, golub, vrana i druge vrste divljači.

Zaštićene vrste divljači: sve vrste divljači navedene u članu 15. i 16. Zakona o lovstvu.“

AMANDMAN III

Tačka III briše se.

Tačka IV postaje tačka III, a tačka V postaje tačka IV.

Predsjedavajući Skupštine HNK Šerif Špago izvijestio je zastupnike da će navedeni amandman bit proslijeđen svim nadležnim organima, kako bi isti dostavili mišljenja na uloženi amandman, te će se posle toga Vlada HNK morati izjasniti o uloženom amandmanu i dostavit prijedlog Skupštini HNK vezano za ovu Odluku.

AD 6. Informacija o stanju u oblasti šumarstva na području HNK-a, Ministarstva poljoprivrede, vodoprivrede i šumarstva HNK-a

Objasnjeno je dao Donko Jović, ministar poljoprivrede, šumarstva i vodoprivrede u Vladi HNK.

Otvorena je rasprava.

U raspravi su učestvovali: Irma Memidžan, Ivan Odak, Amir Šelo, Šerif Špago, Tomislav Martinović, ministar Donko Jović, Slavko Bilić, Elvedin Grcić, Stana Burić i Nesib Mutapčija direktor Uprave za šumarstvo, Ministarstva poljoprivrede, vodoprivrede i šumarstva HNK.

Zastupnik Elvedin Grcić, ispred Kluba poslanika Bošnjaka predložio je slijedeći Prijedlog zaključaka:

1) Zadužuje se Vlada HNK-a i Ministarstvo poljoprivrede, šumarstva i vodoprivrede HNK-a da pri izradi Prijedloga Zakona o šumama u HNK-a, koji će se uputiti u skupštinsku proceduru, ravnopravno tretira sva šumsko privredna društva koja su u većinskom državnom vlasništvu.

2) Zadužuje se Vlada HNK-a i Ministarstvo poljoprivrede, šumarstva i vodoprivrede HNK-a, da Prijedlogom Zakona o šumama HNK-a pitanje vlasništva nad šumama i šumskim zemljištem definiše u skladu sa presudom Ustavnog suda BiH, U 4/21.

3) Zadužuje se Vlada HNK-a i resorno ministarstvo, da pri izradi Prijedloga Zakona o šumama HNK-a posebno reguliše pitanja kod kojih je neophodna saglasnost jedinica lokalne samouprave i to kod donošenja šumsko privrednih osnova za državne i privatne šume, kod donošenja godišnjih planova gazdovanja šumama i šumskim zemljištem za područje, odnosno jedinice lokalne samouprave, donošenje odluka o prenamjeni zemljišta, kod formiranja novo šumskog privrednog društva, i evo eventualno ako smo još nešto preskočili.

4) Prijedlogom obuhvatiti raspodjelu prihoda od opće korisnih funkcija šume u odnosu 60% jedinici lokalne samouprave na čijem području se realizuju radovi i 40% prema kantonu, a koja sredstva predvidjeti kao namjenska za unapređenje i zaštitu šuma.

5) Zakonom precizno definisati obavezu pošumljavanja i zaštite šuma od biljnih bolesti, štetnika i požara.

6) Nadležnost za prijenos ugovora u gospodarenju šumsko privrednim područjem ili dijelom područja definisati u korist Vlade HNK-a, odnosno da isti dodjeljuje Vlada, uz obavezno prethodnu saglasnost jedinica lokalne samouprave i predstavničkog tijela, uz zakonsko rješenje da u slučaju da jedinica lokalne samouprave ne odgovori po zahtjevu u određenom roku isti se može dodijeliti i bez saglasnosti.

7) Zadužuju se nadležni organi da pokrenu procedure preispitivanja prijena vlasništva nad državnim šumskim zemljištem.

Usljedila je pauza.

Tomislav Martinović predložio je slijedeći Prijedlog Zaključka:

Zadužuje se Ministarstvo poljoprivrede, vodoprivrede i šumarstva Hercegovačko-neretvanskog kantona da odmah formira stručni tim koji će uključivati predstavnike relevantnih subjekata i pokrene razgovore o izradi konačne verzije Prijedloga zakona o šumama HNK.

Šerif Špago pročitao je navedeni prijedlog Zaključka na glasanje.

Nakon glasanja konstatovano je da je navedeni **Zaključak koji glasi: Zadužuje se Ministarstvo poljoprivrede, vodoprivrede i šumarstva Hercegovačko-neretvanskog kantona da odmah formira stručni tim koji će uključivati predstavnike relevantnih subjekata i pokrene razgovore o izradi konačne verzije Prijedloga zakona o šumama HNK, jednoglasno usvojen.**

Zadužen je Kolegij da do naredne sjednice Skupštine pripremi i prijedlog drugih Zaključaka po navedenoj Informaciji.

Sjednica je završena u 17:00 sati.

Zapisničar
Dario Topić

Predsjedavajući
Šerif Špago